











# OCCASUS SOLIS

*circa AURORAM.*

In benigno ARIETIS Signo

*Perillustris & Reverendissimi Domini*

**D. AUGUSTINI  
THADDÆI**

*De Klincz von Rautenberg*

**KLINSKI.**

Decani Culmensis, Archidiaconi per Pomeraniā

Vladislav: Cathedr: Canonici & Prælati

Præpositi Mariæburgensis, Doctoris

Utriusque Juris

Domini & Meccenatis Coleadissimi

**DEMONSTRATUS**

*seu*

*Funeſtus DEI Hominis, ſub Ligno Caſus, in Ligno Occaſus*

Parentante Deipara MARIA Virgine

*Feſto ejusdem DOLOROSÆ & prodigioſæ*

*MATRIS, in Eccleſia Carmeli Oboriens*

*Flebilî Orationis Stylò ad memoriam Cordium*

**ANNOTATUS**

Per P. Cantium à S. Juliano, Ordinis Fratrum B. V. M. de Monte Carmelo Strictio-  
ris Obſervantiæ, Provinciæ Majoris Poloniæ Ssmi Sacramenti Alumnus,  
in Carmelo Oboriens Aſtutem Eloquentiæ Profefſorem.

*Perorante è Suggestu in congressu Digniffimorum Hſpitum F. Ludovico à S.  
Hyacintho ejusdem Ordinis Profefſo Rhetorices Auditore*

Anno quæ.

**SOLIS In OCCASU LVXIT Castissima Virgo**

**Et fletu tanto peperit solatla Cunctis.**

1744



IN GENTILITIUM INSIGNE

*Vetustissimæ & Illustrissimæ*

DOMUS KLINSCIANÆ

*Velleribus quæretur Honos.* Claud.  
*Omnes purpureo vellere textit Aves* Bened. à S. Jos. Schol. Piar.  
*Et grege de niveo gaudia Pastor habet.* Venant.  
*His ARIES Astris nonnisi dignus erat.* Martial. l. 9.



I.  
In Castris ARIES, & Sanctior AGNUS in Astris  
Divisum imperium semper in antè tulit.  
Nunc uno contentus erit, servire MARIE  
Nam Solem in manibus Virgo benigna tenet.

II.  
Ex oculis tergit lacrymas REGINA DOLORUM  
JUNOSZAM Lateri dum videt esse suo.  
Nimirum; jam Virgo unum defleverat AGNUM  
Nunc veniente alio lætior esse potest.





*R. Jto. Sablonski*

## DEDICATIO



Non Oratoris sed **MARIÆ** hæc fuit Inventio,  
ut in angustijs, Te suum pro solatio haberet  
**AUGUSTINUM**. Perillustis & Reve-  
rendissime Domine, **MARIANI** Honoris  
Protector Faventissime. Quidquid enim  
in hoc Doloris codice porrectum leges, totum  
d, & Tibi, & Tuo Nomini, & Agno debetur Gentilitio.  
Pando debitum, Canonicus es **MARIÆ** Oculus, ergo suas  
lachrymas Tibi refundit in Solatia. Vidit Te à teneris in  
Corona Sodalium sine labe Concepta Virgo, ergo annectit gem-  
nas ab oculis promanantes. Quinimò, Tyronem adhuc, &  
am strenuissimum sui Nominis viderat Defensorem, ergo o-  
mnes Gladii de Materno pectore, Heroi debentur **MARIANO**.  
Quid dicam de Nomine? quod Virtus cum meritis, merita  
um scientiis, fecere Augustissimum. Concludam paucis.  
Cor Virgineum tanto amore æstuans, nulli congruentius manu-  
tenendum traditur, præterquam **AUGUSTINO**. Et Agnus  
Genti-



Gentilitius plurimum Juris habuit, ad codicem Doloris MARIANI. Liber hic septem sigillis obvolutus, quia septem signatus Doloribus, extra omnem Apocalypsim, ab Agno perpendendus erat Gentilitio. Quod si a prima fronte opellam respicias, omni sibi Titulo Junolzam postulat. Occasus utique Solis Justitiæ, in signo Arietis consummatus, quia in Martio Et istam Dedicationis meæ, ab intrinseco MARIANI Cordis innui rationem; sed adhuc millenas habet Carmeli obligatio. Quomodo enim Augusto Nomini non militaret Elia Gladius, quod septem acinaces è MARIANO pectore jam circumstant; quomodo vel exiguum acumen ingenij Tuis non advolvunt pedibus Oratores, cui Jus Gladij concessum à MARIA. Et in Carmeli Syderibus elucet obligatio. In cæli linguas abire debent, ut AUGUSTINUM prædicent MARIANI Nominis Portitorem. Coguntur Arieti servire Gentilitio, qui noctes Atticas cum Occasu Solis, suscepit in tutelam. Plura colligerem ex Elia pallio candoris documenta, sed Sola Clementia Tuo innata pectori, mille superat rationes, & Modestia cognata AUGUSTINO, cunctas redigit ad silentium. Elegisti siquidem laudanda facere, nec laudari, elogiis digna agere, nec elogiò honorari. Hoc etenim habent Augustæ animæ, quod & in Te AUGUSTINO cernimus, fastidiò habere ex fastis fastum; & tunc celebrari maxime, cum Festum illorum non sit ad populum. Et ideo tremit calamus, nè modestiæ Tuæ sim injurius, adeò enim strictum & verè Etianum silentium indixisti, ut nec AUGUSTINUS scribi dicique velles, nisi Servus Augusto-MARIANUS. Ergo flumina Oratorum Tuis affunda pedibus, & si quod Elogium fuerit Tui Nominis, illud in calamum influet è Mari Gratiarum. Hoc utique saltè non rejicias, quia Tuum erit si MARIANUM, eritq; MARIANUM, si susceperis. Ergo jam ex Justitiæ Speculo, Arietis Tui splendores colligo. Concede Mecenas Optime primam vitæ Tuæ Auroram producere, quam Mus

sits

175



sis amicam feceras; jam protunc talem illam vidēre fingūt,  
colebant universi, ut inter Coronam Stellarum duodecem ad  
mentem MARIE aptaretur. Non aliter in arena Palladis,  
Cesar dici & esse volueras, nisi Probus; non aliter ad quāq;  
maxima eligi Candidatus, nisi quā Lactantius pectoris MA-  
RIANI. Aliis, sapē de Erroribus obviabat Occupatio;  
Tibi non alius error fuisse potuit, nisi ad templi limina, nisi ad  
Conclave Reginae Cordium, ē domo aberrasse. Ex idē mira-  
mur hucusq; Scientiæ Tuæ altum; quia omnes Eruditionis  
Classes Mari Gratiarum commisisti, ut bonæ Spei tenerent Pro-  
montorium & Insulas fortunatas. Unum in Te Lycæa mi-  
rabantur, quod Virtutem declinare nunquam posses. De Ju-  
dicijs ita minorennē scripsisti Exercitium ut ad Thronum Salo-  
monis in omni causa appellares. Ideoq; præmaturo passu, &  
ætatem conatu superante, gradus etiam Scholarum prævolasti,  
Scala Jacob Tuis in progressibus suffragante. Vix primis  
Tulliana flumina prægustasti labijs, jam ad gustum omnium  
perorasti, ideo promptus Orator, quia MARIE Exorator.  
Despiebant Platonis mella dum differeres, quia verborum  
ambrosiam, non ē floribus eloquentiæ, sed de Lilio suxisti illi-  
bato. Dicam tamen: Periodum MARIANIS laudibus nun-  
quam facere potuisti; illaq; Tibi placere Oratio videbatur,  
quæ repetitionis figuram, de die in diem habuisset ad MARI-  
AM. Mari Theologico quod exhaustisti, parvi sunt isti mar-  
gines ad Elogia; sed quia iterum Modestiam Tuam timeo sa-  
tis dixisse erit, Theologum Te fuisse verē AUGUSTINUM.  
De DEO cum differeres, attonitas sæpius rapuisti mentes, qua-  
si de Civitate DEI cum Indigete scriberes Divinissimo; nec  
erat tam commune Argumentum quod in Ore Tuo non Admi-  
rabile appareret. Si Angelicos delineabas Spiritus, Angeli-  
ca instructus mente credebaris, quasi ad littus Maris Theolo-  
gici Angelum vidisses AUGUSTINUS. Si Gratia pandebas  
X  
effica-



efficaciam Gratias loqui videbaris, sed haustas è Mari Gratia-  
rum; ita ut quævis distinctio distinctum mereretur Encomi-  
um, quævis solutio mentes & animos ligaret omnium, quili-  
bet Terminus laudem & plausum sine termino haberet apud  
singulos. Dicamne, quod Virtutes non poteras divisisse?  
non peccabo; stricto enim vinculo fuerant Cordi colligatae, du-  
biumque adhuc superest, an illas Tu explicares, an illae Te, cum  
viva illarum sis Imago. Taliter in Erudito Campo Tuus  
certabat Aries, ut nullum Dilemma foret quod non confringe-  
ret, nulla Oppugnatio quam non convinceret, & MARIA-  
NAE Gloriam & Tuam Virtutis Argumento. Sed Augusto Capiti,  
una Scientia desiderium parit aliarum. Post absolutum Cursus  
Theologici stadium, iterum alia Tibi studia arrisere. Juris  
utriusque Prudentiam docta versasti mente, ideo versatissimus  
in omnibus quia semper AUGUSTINUS, vel ideo AUGU-  
STINUS quia semper jure hereditario MARIANUS. Am-  
biebat Digitum Doctoralis Annulus, sed non aliter admove-  
re illum manibus voluisti, nisi Te Virgini desponsaret Integer-  
rimae, quam in omni jure Patronam habuisti. Vides igitur  
Mecenas Colendissime, qualiter vel in minimo contra Mo-  
destiam Tui Animi peccare timeo, nullum enim Tuis Virtuti-  
bus adjunxi Elogium, quod simul non sit Augustissimè - MA-  
RIANUM. Sed non hic limes in Campo Gloriam. Dicerem  
quo amoris aestu Primitias Agni celebrasti, quo Innocentiae  
Symbolo inter Celsissimae Domus Szembecchianae, Capreas,  
veluti in Paradiso quodam, ad illa Rosarum Florilegia  
Agnum educasti Gentilitium, qua mentis sollicitudine ab Illu-  
strissimis Potoccorum Crucibus, pro salute multorum publi-  
ca, Agnum hunc fecisti dependere, nisi excessus quidam Ora-  
torius, usque in Orbem alterum, & mentem & calamum rapu-  
isset. Cogimur ergo usque in Romanis Collibus Agnum scru-  
tari & colere KLINSCIANUM. Ivisi è Corona Poloniae  
felix



*felix gemma, ad Annulum Piscatoris, à Sanctissimo Tibique  
Clementissimo CLMENTE XII. continuam pro Agno Tuo  
Bullam habiturus Clementinam. Quàm pretiosum Arietis  
Tui vellus, quo Sanctissimi etiam delectantur, quantus ille  
Candor, qui Clementes sibi propitios meretur habuisse. Tunc  
demum Regina Poloniae (eniterum Tuis Laudibus MARIA  
ambit sociari) Augustissimum habuit Honoris Capitolium,  
dum Negotiorum Regni Lechici, in Neapolitano Regno AU-  
GUSTINUS Promotor dicereris. Ita ad Tyberim in Vatica-  
nis Collibus Tuus spatiabatur Agnus, interim Patria totius  
desideria, publica Consanguineorum Vota, expansis Cordibus  
Tuum reditum caeperunt praestolari. Anhelabant praecelsa  
Nomina, quia Sanguine Agni intincta ad Purpuras, vel po-  
tius Orbis Poloni Numina, Illustrissimorum Czapsciorum,  
Łaszewsciorum, Chelstowsciorum, Zawadzsciorum, Powal-  
sciorum, Sartawsciorum, Bystramorum, Bagniewsciorum,  
Makarsciorum, Podosciorum, Kossow, Gralewsciorum,  
Potuliccciorum, Czarlinsciorum, Tucholkarum, Kczew-  
sciorum, Garczynsciorum, Sikorsciorum, Wyczechowsci-  
orum, Jezewsciorum, Kalkszteynorum, Gostomsciorum,  
Płaskowsciorum, Jeziersciorum, Rutkowsciorum, Wągli-  
kowsciorum, Doręgowsciorum, &c. &c. totius Prussiae pri-  
mae magnitudinis Jydera, Signum Arietis expectabant.  
Redijsti tandem Augustò passu, sed quantò omnium solatiò,  
quo plausu singulorum, ex cordibus legeretur Prussiae, si hac  
pagina ambirentur. Revixit post plena amoris radia, Per-  
illustris Progenitor Tuus FRANCISCUS KLINSKI, Ge-  
danen: Dirschovien: & Mewensis JUDEX, cujus aetatem  
cum meritis, omni majorem Elogiò, & merita cum aetate o-  
mni altiora Suffragio, pronò elegi silentio venerari, nè palmam  
praeripere videar, cunctis Terrarum Prussiae Cordibus, quae  
Nomen istud in Libra Themidis ponderosum, ad memoriam  
æsti-*



æstimant seculorum. Quis enim angustâ paginâ, Panegy-  
res Domûs Vestræ comprehendat, cûm majora longè loquantur  
volumina, nec concludant; Unum est meminisse satis, quod in  
Orbe Polono, Polonus Historicus de KLINSKIIS annotavit:  
Decet Vos in Armis & bello, formidabiles, in Judiciis au-  
tem humanos esse. \* Ergo revertor ad Elogia MARIA-  
NA, ut Tua faciam, Mecenas Colendissime. Parabat Tibi  
Honor pro magnis maxima, nihilominus, illud Te tantûm ac-  
ceptasse vidimus, quod esset MARIANUM, ut cum MARIA  
esset Tuum. Et ideo Præpositus Mariæburgensis dici per-  
misisti, ut Beneficium cum Officio MARIE Nomini concor-  
daret. Igitur & Opellam tenuem de Doloze Virginis non  
dedignaberis Mecenas Optime, non ideo quòd aliquid de Te  
innuat, sed quod sit MARIANA. Crescent in gemmas hæ  
Matris lachrymæ, ad Tuorum Coronam meritorum; nos ad  
Aram precabimur, ut longævam ætatem vivas, ad commoda  
singulorum quæ procuras; faustissima ducas tempora, ad Car-  
meli solatia, quem protegis; & totum habeas à MARIA,  
quam hodie in Tua suscipis DOLOROSAM,

Ita vovet

Devotissimum Tuo Nomini  
simulque obligatissimum

Studium Carmeli Oborienfis.

\* Okolski in Orb. Pol. tom. I, Stem. Junosza.



# ORATIO.



Accendite pro cereis ingeniorum lumina Oratores; nam DEUS HOMO agonizat! Peccatum mortale dixero, tantæ morti non assistere; Peccatum Capitale, Supremo Orbis totius Capiti, in Cruce inclinato, fieri non acclines. Quis daret Indulgentiam tanto ausui? si non una Supremi Pontificis, *Bulla hæc Cruciata*. Emoritur in Crucis Arbore DEUS HOMO! adeste Mercurii, ex hoc fatali stipite ad vivum efformandi. Languet, ad vitæ vespërâ Flos Nazareus; concurrite, concurrite Cultores Hortensii, flores legemus Oratorios è Monte Golgothæo. Sed proh dolor! Moriente vita, reviviscunt vitia! En vocales convo-co ad funus Tullios, & illi deficiente Verbo obsurdescunt! fulmineos stimulo in fata Pericles & isti abeunte Cælorum Domino, minimè ex-

A *arde*



ardescunt. Clamant ingentes petrae apertis  
faucibus, nos aures obturavimus; Ipsa DEI  
mortem templorum vela revelant, nos singuli  
pupillas clausimus; nec visuri miracula mori-  
entis Domini, nec oracula audituri post corti-  
nas. Rigate lachrymis cæcitatem, vesani ho-  
mines; dum Vitæ Fontem in littore constitu-  
tum, sic contemnitis. Plorate argumentosæ  
apes, en in *Crucifixi* Latere alvear habetis com-  
modissimum, nec volatis. Surdis hucusque  
cecini, AA. Vos Orpheum resuscitate superi,  
ut saxea generis humani corda, ad montem us-  
que saliant Golgothæum. Sed vel hic etiam  
in caelum ageremus. Nam Cythara in luctum  
versa sublimè pendet, fidesque rupta inter ho-  
mines; Major adhuc fieret in Verbo lusus, si  
amplius corda pulsaremus. Ergo desistam  
Orator ab allocutionis figura, dum *Verbum* de-  
ficit. Ludite, ludite in arena literaria Orato-  
res, mihi Golgothæi cineres arrisere. Bibite  
Eloquentiæ flumina post sudores; mihi Mare  
mortuum sapit ad delicias. Atticas lustrate  
noctes ad Cleantis lucernam, me unum mori-  
ente Domino tenebræ illustrabunt. Denique  
auroram Musis amicam colite; ego vel *Occi-  
dente Sole*, Stellam videbo Matutinam. Con-  
clusi



clusi Auguria, fortunam aperio. Actum est  
quod sponendi. *Mæstissimi Auditores.* To-  
tam orationis structuram, e Golgothæo cinere  
possumus fabricare. Quodsi effusas post la-  
chrymas arescat dictio, in promptu ad littus  
Golgothæ est *Mare Gratiarum.* Plus dicam;  
& id quod intendo unicum. Atticas non quæ-  
ro noctes, nam SOLIS OCCASUM *circa*  
AURORAM *Vestris animis patefaciam.* Ab-  
solvite a culpa Oratorem, si post Occasum So-  
lis, & circa Auroram fregero silentium, utique  
non adeò clara voce magnus perorat Dolor.  
Sed primam loquendi licentiam a Tuæ Crucis  
exoro Cathedra DEUS HOMO; nihil ob-  
scuri dicam, si vel in *Occasu Tuo* lumen inge-  
nij illustraveris. Tu quoque diem Oratori di-  
ces, AURORA VIRGO & jam de SOLE  
Tuo quem occidisse vidimus, purpureum manè  
illucescet.

Semper habet præludia magnus Dolor.  
AA. Veluti fumus quidam præcedunt solatia,  
ut lacrymam extorqueant e pupilla. Rotunda  
est fortuna quælibet, ut e cyfra colligas quan-  
tùm flebis, si accedat vel unus Dolor. Nulla  
est tam longa serenitas, quam nubila non con-  
cludant; nulla tam felix Malacia, cui procellæ

non



non insultent: *Nemo dari poterit, cui magnis  
consona votis omnia succedant; nulli fortuna  
favebit perpetuo plausu, sed si nunc blandior ore  
arrit, mox fronte minax data gaudia turbat.*  
In DEO HOMINE compertum est,  
quod edissero. Applaudit Judæa Domino, sed  
cantus hic Syrenum est. Palmas Victori cor-  
dium cumulat Triumphales; sed arbor quæ-  
libet, virgas promittit, vel Cupressum. Cla-  
mat Hosanna lætum Civitas Solymæa sed mil-  
le sannas hæc spondet urbanitas urbe integra.  
Ita sanè; nihil tutum in orbe videas, si vel ipsa  
Sanctitas in periculo. Bona est dies oriente  
gaudio, sed noctis tenebræ, & oculos cludent  
& solatia. Videte quid contingat ad Vesper-  
ram, DEO HOMINI. Post Triumphales  
plausus, cænam instruit *Rex Dolorum*, tot ha-  
biturus mensæ socios, quot Cordis Assessores;  
sed ante convivium aquas affundit pedibus, ut vel  
inde noscatur profusissimus. *Solem* hic meum  
video in *Aquario*, sed quantum laboret ad *Ve-*  
*speram*, sola prodit usque ad terram *inclinatio*.  
O nimium felices duodecim Athomi! videte  
quàm acclinem hodie *Solem* habetis *Divinissi-*  
*mum*. Unus in Collegio Judas, sua levitate  
gravis, ideo onustus nummò, né à benigno Nu-  
mine



mine attrahantur. Sed quanta *influentia Solis*  
*Justitiæ!* & illius sese affundit pedibus, ut cor  
emolliat obduratum. Pudeat te vesane pro-  
ditor, quod enorme scelus vel in aquarum spe-  
culo necdum videas. En in pedibus salutem  
habes, modò salutis pretium demergas hac in  
aqua. Fusissimus in Verbo DEUS, tuis in  
pedibus quærit aures, nihilominus Amori  
tanto non respondes. Narcyssum te cæle-  
stem exoptat fieri Flos Nazaræus, modò  
aquam introspecies, antequam Gethsemani  
hortus patefiat. Ast & ego Æthiopem lavo,  
AA. Solem adeò laborantem, eò magis obser-  
vat proditor, quò magis *inclinatur*. Ergo jam  
cum illustrari renuat, acceditur ad convivium.  
Apponitur Paschalis *Agnus*; ut vel in hoc signo  
testetur clementiam *Sol Justitiæ*. Zodiacum  
dixisses in Mensæ circulo, & inter planetas duo-  
decem, pulcherrimam Phæbi Stationem. Hic  
tandem *Joannes Aquila* propius scrutatur So-  
lem, dum in Salvatoris pectore requiescit.  
Hic illi Petrus & Andreas *Gemini*, olim à *Pisci-*  
*bus* evocati, *Soli* assistent *Divinissimo*. Unus,  
unus, vel post Agnum *Arietavit* Judas, cornuto  
malitiæ argumentò oppugnaturus in *Sole Veri-*  
*tatem*. Recede infernalis noctua, quid ultra  
B Solem



*Solem* intueris? Si tenebras quæris sceleri, noctem consule, dabit illam cæcitas Solymæa. Reccisit! perfidiæ suæ numeraturus nummos, saltém inde pudicus, quòd illos numeret *extra Solem*. Fugis *Cæli oculum* effrons noctua; sed vindicem pro nummo, pænam Numinis, non effugies. Est testis oculatus *Sol Justitiæ*; perge quo vocant furia, quo ducit vesana rabies, quo trahit concatenata malitia; sed solves solutionem criminis, postquam funesto fune obligaberis, adeò in malum resolutus. Attrahi à *Sole* benigno noluit, dabit ille vim *attractivam* arbori, quæ sarcinam sceleris in altum elevabit. Actum est. Abiit à *Sole* nebulo, peccatum teste cælo patraturus. Emit sibi DEUM Judæa cohors, O! quàm parvò pretiò Numina comparantur; si in melius emerentur. Solvit pro *Sole Justitiæ* triginta argenteos Civitas Solymæa, o! quàm exiguo censu tantus splendor acquiritur, si recto ingenij lumine quæreretur! Sed prohi dolor! magis obcæcantur & Judas & Judæi, quòd propius *Solem* investigant. Fuge! fuge! undecem *Astrorum Princeps* Divinissime, nam *Syodus erraticum* fatalem portendit noctem. Videte, quo abeat *Sol occiduus*. Auroram  
querie



quærit Vespere, & invenit in MARIA, Plora-  
te oculi, lugete palpebræ, dum *Solem* intuemini.  
Ultimum *MARIÆ* diem dicit *Sol Iusti-*  
*tiæ*, abeuntem *Aurora* sequitur, quis hic pu-  
pillam temperet á rore lachrymarum. Ad-  
stringit brachiis abeuntem mæsta Mater, ut do-  
mi detineat quia Filium; sed amor totius po-  
puli ire jubet, quia Orbis integri Salvatorem  
Deplorat DOLOROSA Parens, quia uni-  
cum, sed salus publica deflere vetat, quia DE-  
UM HOMINEM pro homine moriturum.  
Jamque *Sol* noster ad *Umbram* Getsemani de-  
clinavit, casu proprio in terram, probaturus,  
quod vergat *ad Occasum*. O! felices in hor-  
to flosculi, dum *Solem* domi vestræ habetis in-  
quilinum. Pandite corda & affectus, hic Phæ-  
bus ut primùm procidet, terram subito calefa-  
ciet. Speravi serenitatis auguria, *Mæstissimi*  
*AA*, & ecce *Sol Divinissimus* est totus in plu-  
via lacrymarum, totus diffunditur in Sudoris  
guttas, totus denique suo Sangvine rubicun-  
dus. Adeste Astrologi, & vel finè tubo conji-  
cite, nam prope est Phæbus in horti janua.  
Adeste inquam; quia languente jam *Sole*, Apo-  
stoli requiescunt. O lacrymæ! O suspiria!  
Nox instat! nox instat! sed fatalis, Sub ve-  
spe-



spem erravit Judas; nunc *Solem* ut inveniatur,  
faces accendit *Solymæas*. Profecisses clarius  
discipule perfidissime, si tot lucernas in *Solem*  
non aptasles. Irruunt in hortum canes perfidi,  
contra *Solem Iustitiæ* latraturi; irruit &  
ille *Arcitenens*, osculi dolosi jaculor, ad intima  
cordis fixurus cicatricem. Sed auscultate lan-  
guentis etiam in horto *Solis* Supremam in ter-  
ras potestatem. Veniunt armati milites, ut  
*Solem* capiant, & ecce cadunt; Occurrunt fe-  
roces copiarum cum facibus ut Verbum teneant,  
& ecce obcæcantur. Videte igitur *Solem* no-  
strum, in prodigioso *Cancris signo* effulgentem,  
nam hostes retror abierunt. Nihilominus, vi-  
brat tela contra Cæli Dominum infelix *Sagitta-  
rius*, & miror jaculandi methodor, ore sauciat,  
occidit osculor, verbor Verbum enecat, dum sa-  
lutat. Quid agis vesane Hypocrita? contra  
*Solem* pugnare præsumpsisti; *Diem Solis* non  
attinges, & pendebris sub Cælo *Cometa* infensis-  
sime. Sed quid ego infesto Theologum? qui  
Conclusionem posuit æternæ veritatis; Argu-  
mentum istud est ad hominem à Juda proposi-  
tum, quod patiatur pro homine H O M O  
DEUS. Convincite Syllogismum hunc in  
Ferio, quem DEUS solvit utique est Sole cla-  
rior



rior. Dictante Juda, tam altum Verbum Judæi capiunt, supra Magistrum videtur esse hic discipulus. Mereretur Doctoralem Annulum; ergo date illi funem in collo complicatum. Quinimò Abstemius mihi putatur Judas, à mensa fugit, nunc paupertatis Amator, pecuniam projicit, DEUM capit ideoque non rectus in terris DEI ipsius Comprehensor, brevi in extasim rapietur. Prudens est Geometra hic Apostolus, totam Solymæ dimensus Urbem, *Viam* apprehendit *rectissimam*; unicum restat, ut adhuc arborem metiatur. Denique in Astrologum evasit perfectissimum; absque tubo optico, etiam *post occasum Solis*, invenit in horto *Solem*, meretur ut sit cælo propior saltem ad elevationem graduum quinquaginta. Talem habes panegyrim scelestæ proditor; quia novum sub sole fecisti, quod *Sol* à tenebris capiatur. Videte prodigia! nefariis palpatur manibus, pugnis contunditur, cachinnis spuitur, vinculis funibusque stringitur, denique per Urbis Solymææ circulum ducitur, trahitur, volutatur *Sol* noster *Divinissimus*, & tamen illuminat. Avulsam Petri gladiò restaurat aurem; vel ideo ut melius Verbum hoc capiatur auribus, vel ut *naturam Solis* in se comprobet.

C

nil



*nihil frustra facit.* Ducitur per torrentem Cedron, o quanta hic *Solis æterni* parelia ! Fabula Poëtarum fuerit ex Oceano prodire Phæbum, obire in Oceano ; nunc in torrente cecidisse SOLEM Suprema Veritas comprobavit. Languere debueras *Sol Divinissime* dum aquas pertransires, aliàs vel ipso amoris æstu, torrentem exsiccaſſes. Et certè languorem casus ipse comprobat, dolendumque miraculum, *Solem moveri* funibùs, à cointelligentijs Judæorum. Evadit tandem è profluvio Phæbus noſter, ſed Annæ ſiſtitur in Palatio. O fatale *Solſtitium* ! ubi DEUS HOMO militari pugna oppugnatur. Nec ſatis erat in uno Palatio ſteſſiſſe Dominum, in una Aula Dolorum Regem ; Unus Nero invidebat alteri quòd *Solem* haberet domi ; Diem dicit Caiphas Salvatori ; diem Pilatus dicit, ut *Solem* videant quem extinguere meditantur. Proh dolor ! quantæ *ecclypſes* noctis unius ſpatio ! ſordidò velatur ſtrophio *Cæli oculus*, quaſi videri Judæa nollet, ultimum ſinè fronte ſcelus, in DEUM patratum. Affulſit dies, educitur è tenebroſo carcere *Sol Juſtitia*, ſed brevi portentum videbitis, dum ſanguine *rubefcet* totus. Grandem conſpice cruoris pluviam ; ſi primum manè adeò rubi-



rubicundum. Olim Pœta teste: *Regia Solis*  
*erat sublimibus alta columnis*, nunc *Solem* in  
uno colosso cernimus, & quidem ad verbera  
obligatum. Formate auguria *Sapientissimi*  
*Auditores*. Flagella, virgas, sanguinem in *Sole*  
vidimus, conijcite Vestro iudicio, quid porten-  
dunt. Funestum (ut existimo) promittunt o-  
men, tanta cruoris stillicidia. Utinam sim fal-  
sus vates! forte sub cælo cadet Cæli Dominus;  
forte rigabit terram Sanguine, Creator terræ;  
aut corruet ad columnam fortissimus Atlas uni-  
versi. Cecidit! cecidit! DEVS HOMO, in  
Mari rubro Sanguinis *Sol noster* naufragatur.  
Adeste motrices Cælorum Intelligentiæ, & *So-*  
*lem* a terra sublevate. Terribilis hæc *Judicii*  
*dies* in Judæa, cum talia in *Sole* signa elucescant.  
O fatale unius diei Horologium, ubi tot virgas  
loco Indicis, præsentem *Sole*, numeravimus in  
Columna.

Sed non una rabie furores coercentur.  
Quoties iratum mare vidimus, scopulum pro-  
trudit scopulus, in perniciem. E *Sole* nostro  
videte documentum. Emersit per vasta cruo-  
ris latifundia, sed iterum furori novo exponen-  
dus. En, jam *Radios è spinis* efformant satel-  
lites, ut *Solis* coronent tempora, laceram adjun-  
gunt



gunt Purpuram, ut vel sic faciant *Serenissimum*.  
Nunc demum, *Princeps Astrorum* diceris *Salva-*  
*tor Humanissime*, nam in murice ad directionis  
Virgam, elucelcis. Dicite, si vidit quis talem in  
*Sole Coronam*? Lustrate sæcula, minimè adver-  
tetis; Unus *Sol Iustitiæ* spincò obvolutus fertò,  
vitæ coronidem præfagit, ex Corona. Et certè  
non fallunt auguria. Jam *acu Solem tetigit* plebs  
scelestæ, nunc *trabem excellam* præparat, in *Cæli*  
*oculo* advertendam. Pergit *in recta Crucis linea*,  
Titan Divinissimus; & ardorem sui patefacturus  
animi, *ascendit altius*, quia ad verticem Montis  
Golgothæi. Alsistit *Aurora Comes*, adstant *fixa*  
*Amoris Sydera*, sed ros ab oculis prohibetur. In-  
terim; adeste lachrymæ Oratori. *Solem appen-*  
*sum in Libra Crucis*, quis sicco oculo intuebitur?  
Loquere jam loquere, Phæbe Divinissime ad  
*Auroram*, utique septem habes Verba, pro septem *Dolori-*  
*bus* MARIANIS. Ego silentium in Occasu Tuo servare co-  
gor; si tamen à Cruce dederis Indulgentiam, habeo Verbum  
ad MARIAM. Hactenus de Te tacui *Aurora Virgo*, quia *Sol*  
*Tuus* circuibat rotundam periodum; nunc ubi Te circa *Solis*  
*Occasum* sub Cruce video, hac Cruce benedic Oratori ut bene-  
dicat. Permittesne Historiam evolvere sæculorum, quoties  
vel ipsius mortis tenebræ, per Te *Auroram* dissipatæ? Lo-  
querer; proclamarem; si post *Occasum Solis*; daretur in stri-  
cto silentio facultas discurrendi. Ergo jam agam Tacitum,  
nam quiescere ad pedes *Marianos* congruit Oratoribus post  
*Occasum*; donec iterum *Aurora* excitaverit, ut dicant am-  
plius de *Dolorosa* Virgine; quàm ego DIXI.



dolori: vigilia: delirio: profundo somno: anhelitus  
difficultati: tussi: inquietudini: oris vlcibus: angina:  
pleuritidi: singultui: hemorrahia: diaphoretico  
sudori: ardenti febris: ingenti siti: vermium affluentia:  
vertigini: hypochondriorum tensioni.

Hæc, & infinita alia synptomata, morbi que cum  
febre pestilenti coniungi possunt, quorum tractatione  
si agredi hic vellem, esset omnium curationem mor-  
borum insituere, præter nostrum obiectum.

Sufficiat tantum tractasse de bubonibus, carbuncu-  
lis, pestib; hijs, quæ pestilentis febris propria sunt. Et  
hæc dicta sufficiant pro malignæ, pestilentique  
febris curatione; nunquam tamen ces-  
sando Deum ipsiusque Gloriosissi-  
mam Genitricem humiliter  
deprecari, vt eius fide-  
lium saluti tutò, iu-  
cundè, & ci-  
tò inser-  
uiant.

..



**HYA-**

in 8. phisic. t. 78. affirmans, nec à  
ri actionem prouenire, motoris ei  
necesse est superare mobile.

Ad Confirmationem responde  
asserit in 3. de temp: in fine, qui p  
traria medicamenta secundum g  
adhibenda; idem asserit 3. de simpl. med. facul. c. 12.  
& 1. de alim. facul. c. 1. & Auerr. 7. colliget 3.

Respondetur secundo conciliando dictas autori-  
tates, quod à contrario duplex potest fieri actio, vt A-  
ristot. placet, vna, quæ suum oppositum superet: alia,  
quæ minuit, & contemperat. Prima actio fit statim, se-  
cunda progressu temporis: sed in febre maligna prima  
indigemus, non secunda, quia morbus acutissimus est,  
in quo natura veluti mortua manet, secunda vti po-  
terimus in miti, & blando affectu, etiam si auxilia in-  
feriora fuerint tutò his repetitis morbum necare con-  
uenit, natura, quia recte valet, dominiumque supra mor-  
bum habet, quouis auxilio ei præstito, morbum de-  
pellit.

Obijcies septimo potest ne ante purgationem dari  
potus aquæ? magis enim illum competere ante quam  
post, experientia docet, nam in morborum initio  
aliqui tenues, & biliosi humores pruriunt, qui  
purganti medicamento facile cædunt, & expurgan-  
tur, & crassi demum remanent, qui potum dari aquæ  
prohibent.

Respondetur, & si cum Auerroe in lib. 7. colliget c.  
8. assero posse aliquando dari potum aquæ absq; vllò  
signo concoctionis, attamen melius iudico, in febre  
maligna post medicamentum purgans aquam sumen-  
dam esse quam ante, nam eo tempore minus potest  
obstruere, maioremque partium refrigerationem in-

Ttt 2 de



frigida, quæ uariis horis conueniens, cum Aui

Respondetur status est hora conueniens, cum Aui-  
cenna dicente in capite de cura febris sanguineæ, &  
melior horarum ad hoc est hora vehementiæ ebulli-  
tionis, & angustię, & inflammationis, & frequentię  
pullus cordis (& si dari possit calidus, in quo in princi-  
pio accessions magis competeret, quem admodum  
accidit Galeno, qui ut ait in 10. meth. cibauit synco-  
pis timore febre tertiana interpolata laborantem, pa-  
rum ante paroxysmum, & ei debet potum aquæ, & licet  
in statu plures sint humores, & vapores quorum reso-  
lutio est apta per potum aquę frigida impediri, non  
autem in declinatione: attamen quia in declinatio-  
ne est apta magis nocere, cum calor in declinatione  
sit minus resistens suę extinctioni, quam in statu, &  
per consequens mēbra, & spiritus sunt apta magis ledi  
per superflua infunditionem: unde extinguetur ca-  
lor naturalis ex infuso febrili.

His positis Respondetur ad obiectiones postas in  
primo loco probantes non competere potum aquę  
malignę febricitantibus, & ad primam tali pacto, exhi-  
bita aqua prædictis conditionibus supra iactis, non  
solum non erit timor calidus verum, illæ reuiuif-  
cent: dicente Auicenna: multoties enim adiuuat  
ad expellendum materiam cum solutione naturæ, aut  
per vomitum, aut per urinam, aut per sudorem, aut  
per omnia illa, quare sit statim, ut sanetur. *cap. 1. lib. 8.*  
Ad secundam, etsi aqua quatenus humida est ha-  
bet posse augere putredinem, attamen, quia cum re-  
bus aridis, illam sumendam esse diximus potius con-  
trarium causabit.

Ad

rit Galen. 8. Meth. 10. & si ad sit aliqua  
Ad quartam Respondetur, primo, & si ad sit aliqua  
do inflammatio attamen, sumpta aqua conditionibus  
prædictis non nocet quia non habebit viam aggrega-  
di materiam, & inspissandi eam: quia res auidæ sa-  
ciunt ipsam citius penetrare.

Respondetur secundo, cum Gentile, quod in tali ca-  
su datur calida, & in notabili quantitate, adiuuabit, non  
ad digestionem humoris, sed ut extinguat humores  
do, & humores, qui sunt causa sitis à stomacho lau-  
do, neque timeatur inflammatio corporis per ipsam: tum  
quia citius penetrat, & à corpore educitur: tum quia  
per anticipatissimam non inflammatur corpus sicut aqua  
frigida.

Præterea si ad erit inflammatio, quatenus conditio  
contradicans erit, seruari debet regula supraposita, &  
sic etiam Respondetur ad ultimam obiectionem in-  
contrarium adductam. Eset hoc loco agendum de  
alexipharmacis congruentibus febre maligna pestilen-  
tique febricitantibus pro medela venenositatis, cui  
magno opere sagax medicus vacare debet, sed quia as-  
suetudine in tractatu de præseruatione de illis egimus  
eum adeat lector, & nihil administrationis illorum in  
hac febre congruere eum latebit.

Eset etiam postea tractandum de symptomatum  
curatione, sed in hoc neque tempus consumere inten-  
do, quilibet enim medicus potens est eis medelam  
præstare: ut syncope, animique deliquio virtutis  
debilitati, nausæ, ac vomitui: stomachi morsui: alui,  
aut suppurati, aut fluxui: capitis, dorsi, & lumborum

do-



Q. IX. 3



717608 Bibliotheca 3500,  
P.P. Camaldulensium in Bielany

Depozyt w Bibliotece Jagiellońskiej



00299



